

Broj: 01-14-4-201-9/18

Sarajevo, 07.03.2017. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama Bosne i Hercegovine («Službeni glasnik BiH», broj 39/14), na preporuku Komisije za javne nabavke imenovane rješenjem broj: 01-14-4-201-1/18 od 05.02.2018. godine, direktor Federalnog hidrometeorološkog zavoda, d o n o s i

### **O D L U K U**

#### **o izboru najpovoljnijeg ponuđača za javnu nabavku roba po Konkurentskom zahtjevu za dostavu ponuda, broj:01-14-4-201-3/18 – Sukcesivna nabavka goriva za službena vozila**

##### I.

U cilju odabira najpovoljnijeg ponuđača, u provedenom postupku javne nabavke– Konkurentski zahtjev za dostavu ponuda za javnu nabavku roba – Sukcesivna nabavka goriva za službena vozila, evidencijski broj nabavke: 01-14-4-201/18 od 02.02.2018. godine, broj obavještenja o nabavci sa Portala javnih nabavki: 615-7-1-7-3-1/18, kao najbolje ocijenjena prihvatljiva ponuda je ponuda ponuđača **Hifa-Petrol d.o.o. Sarajevo**, Hotonj bb, Vogošća, broj: JN-827/18 od 27.02.2018. godine, sa ukupnom cijenom ponude sa uračunatim popustom bez PDV-a, u iznosu od **6.785,72 KM**.

##### II.

Ponuđač iz tačke I. ove odluke ocijenjen je kao najpovoljniji, jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena) ponudio je najnižu cijenu.

##### III.

U skladu sa članom 98. stav (5) Zakona o javnim nabavkama („Službeni glasnik BiH“, broj 39/14), ugovor o sukcesivnoj nabavci goriva za službena vozila dostaviće se najpovoljnijem ponuđaču iz tačke I. ove odluke najkasnije u roku od 10 dana od dana dostavljanja Odluke o izboru najpovoljnijeg ponuđača učesnicima postupka.

##### IV

U prilogu ove odluke ponuđačima koji su učestvovali u postupku javne nabavke dostavlja se i Zapisnik o pregledu i ocjeni ponuda broj: 01-14-4-201-8/18 od 05.03.2018. godine, u skladu sa članom 71. stav (2) Zakona.

##### V.

Za realizaciju ove odluke zadužuje se Sektor opštih poslova.

##### VI.

Ova Odluka stupa na snagu danom donošenja i objavit će se na web stranici Zavoda, [www.fhmzbih.gov.ba](http://www.fhmzbih.gov.ba), u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke roba: Sukcesivna nabavka goriva za službena vozila, broj: 01-14-4-201/18 od 02.02.2018. godine. Javna nabavka provedena je putem Konkurentskog zahtjeva za dostavu ponuda. Procijenjena vrijednosti javne nabavke bez PDV-a je 7.700,00 KM. Obavijest o nabavci broj: 615-7-1-7-3-1/18 objavljena je na Portalu javnih nabavki Agencije za javne nabavke dana 16.02.2018. godine. Tenderska dokumentacija postavljena na Portalu za javne nabavke (e-nabavke) i sva komunikacija sa ponuđačima obavljala se u formi i na način definisan u sistemu e-nabavke.

Prema Izvještaju o pružimanju tenderske dokumentacije od strane ponuđača u sistemu e-nabavke tendersku dokumentaciju je prezelo 8 (osam) ponuđača, i to:

1. GREEN OIL D.O.O.
2. HIFA PETROL D.O.O. SARAJEVO
3. ekapija doo
4. BBS Europe
5. HIFA-OIL TEŠANJ
6. ČAVKUNOVIĆ-BP doo
7. HOLDINA DOO
8. JAVNA USTANOVA "DOM ZDRAVLJA" ZENICA

dok je tendersku dokumentaciju i Ispravku tenderske dokumentacije prezelo 5 (pet) ponuđača, i to:

1. HIFA PETROL D.O.O. SARAJEVO
2. ekapija doo
3. HIFA-OIL TEŠANJ
4. Energopetrol d.d. Sarajevo
5. HOLDINA DOO

Rok za dostavu ponuda bio je 28.02.2018. godine do 12,00 sati.

U predviđenom roku, uredno u zatvorenoj koverti, u skladu sa zahtjevima iz tenderske dokumentacije, dostavljena je jedna ponuda, i to ponuda ponuđača HIFA-PETROL d.o.o. Sarajevo, Hotonj bb, Vogošća.

Dana 05.02.2018. godine, Komisija za javne nabavke imenovana rješenjem broj: 01-14-4-201-1/18 od 05.02.2018. godine, direktoru Zavoda je dostavila Zapisnik o pregledu i ocjeni ponuda s preporukom o izboru najpovoljnijeg ponuđača u postupku javne nabavke roba: Sukcesivna nabavka goriva za službena vozila. Komisija je provela proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu ugovornog organa, a kako je traženo u konkurentskom zahtjevu za dostavu ponuda. Zapisnik o pregledu i ocjeni ponuda, broj: 01-14-4-201-8/18 od 05.03.2018. godine, čini sastavni dio ove Odluke i u istom je utvrđeno slijedeće:

- Da je ukupan broj pristiglih ponuda jedna (1);
- Da je blagovremeno zaprimljena ukupno jedna (1) ponuda;
- Da nije bilo neblagovremeno zaprimljenih ponuda;
- Da je jedina prispjela ponuda ponuđača HIFA-PETROL d.o.o. SARAJEVO, Hotonj bb, Vogošća, prihvatljiva i da ispunjava formalno-pravne uslove za učešće u kvalifikacijama i tehničke karakteristike i druge uslove propisane od strane ugovornog organa.


U postupku donošenja odluke cijenjene su činjenice da je Komisija pravilno i potpuno izvršila ocjenu kvalificiranosti ponuđača, te ocjenu i rang listu prispjelih ponuda, shodno kriteriju najniža cijena, odnosno ocijenjeno je da je Komisija pravilno izvršila izbor najpovoljnijeg ponuđača u skladu sa Zakonom o javnim nabavkama, podzakonskim aktima i tenderskom dokumentacijom, te je dala prijedlog direktoru da se predmetni ugovor: Sukcesivna nabavka goriva za službena vozila dodijeli ponuđaču HIFA-PETROL d.o.o. SARAJEVO, Hotonj bb, 71320 Vogošća, ID: 4200999090005, ponuda broj: JN-827/18 od 27.02.2018. godine, sa ukupnom cijenom ponude u iznosu od 6.785,72 KM bez PDV-a.

Članom 89. stav (3) Zakona o javnim nabavkama propisano je da kada ugovorni organ primi jednu prihvatljivu ponudu dodjeljuje ugovor tom ponuđaču i to najkasnije u roku od deset dana od dana okončanja postupka javne nabavke.

Iz navedenog razloga, primjenom člana 64. stav (1) tačka b) Zakona o javnim nabavkama odlučeno je kao u dispozitivu.

U skladu sa članom 70. stav (6) Zakona o javnim nabavkama ova odluka ima se objaviti na internet stranici Zavoda istovremeno sa njenim upućivanjem ponuđaču koji je učestvovao u postupku javne nabavke.

**Pouka o pravnom lijeku:** Protiv ove odluke dozvoljena je žalba u pisanoj formi u roku od pet (5) dana računajući od dana kada je ponuđač primio ovu odluku. Žalba se izjavljuje ugovornom organu - Federalnom hidrometeorološkom zavodu u skladu sa članom 99. i 101. Zakona o javnim nabavkama, u dovoljnom broju primjeraka, a koji ne može biti manji od tri.



Dostaviti:

- Ponuđaču HIFA-PETROL d.o.o. SARAJEVO  
Ul. Hotonj bb, 71320 Vogošća
- Sektor opštih poslova
- Odsjek za pravne, administrativne i materijalno-finansijske poslove
- a/a